




# ხაშურის მთაშენი



№23 (54)

20 ივნისი, ორშაბათი, 2016 წელი



## დაათვალიერეს გზების მშენებლობა

ქ. ხაშურში, რეგიონალური განვითარების ფონდის დაფინანსებით მიმდინარე აგარა-ჯორჯაძის გზის ასფალტირების სამუშაოები გუბერნატორის მოვალეობის შემსრულებელმა, იოსებ ოქრომელიძემ, გუბერნატორის მოადგილემ ამირან შავშიშვილმა და ხაშურის გამგებელმა, გიორგი გურასაშვილმა მოინახულეს.

ამ ეტაპზე, გზის ასფალტირების სამუშაოების 30% დასრულებულია. პროექტის ფარგლებში სულ გათვალისწინებულია 1600 მეტრი სიგრძის გზის ასფალტირება. აღნიშნული პროექტის განხორციელების შედეგად 3000 მაცხოვრებელს გაუადვილდება გადაადგილება, განიცვირდება საგზაო მოძრაობა და გაღამაზდება ქალაქის იერსახე. სამუშაოებს ასრულებს შპს „გეკა“. პროექტის სამუშაოების დასრულება ამ თვის ბოლოსთვისაა ნაგარაუდები.

## სურამელ პატარებს განახლებული საბავშვო ბაღი დახვდებათ

ხაშურის მუნიციპალიტეტის გამგეობის დაფინანსებით, დაბა სურამში, №9 საბავშვო ბაღში სარემონტო სამუშაოები მიმდინარეობს. აღნიშნულ შენობაში, გასულ წელს, გათბობის და წყლის სისტემები მოწესრიგდა, გამოიცვალა კარ-ფანჯარა, ამჯერად კი საბავშვო ბაღის შენობას სრული რეაბილიტაცია უტარდება.

სამუშაოებს, ელექტრონულ ტენდერში გამარჯვებული კომპანია შპს „იმგო“ ასრულებს.

სურათზე: საბავშვო ბაღი ასეთ სახეს მიიღებს.



სიცრუე ერთ-ერთი იმ ცოდვათაგანია, რომელიც ბიბლიურ ათ ყველაზე დამამძიმებელ ცოდვებში გადის. რა თქმა უნდა, შემოქმედმა შემთხვევით არ „უანდერდა, კაცობრიობას ამ ქმედების უარყოფა, რადგან, სუცრუეს, როგორც ასეთს, შეუძლია ძალიან მძიმე შედეგები მოიტანოს. სიცრუე შეიძლება კატეგორიულადაც დაიყოს. არსებობს ტყუილი, რომელიც ძალიან მსუბუქ ხასიათს ატარებს და იუმორთანაა წიღნარევი; არსებობს ტყუილი, რომელიც შემთხვევითაა წამოსროლილი და ზოგჯერ მის გამავრცელებელს არცკი წარმოუდგენია, რომ ცრუობს. მოკლედ, ათეულობით ასეთი „სახეობა“ შეიძლება ჩამოითვალოს. ჩვენ დღეს ერთ-ერთ ძალზე გავრცელებულ „კატეგორიაზე“ შეგვიხედვით, ტყუილზე, როდესაც მისი მთქმელი, ანუ მთავარი სუბიექტი, ამ სიცრუის საბოლოო შედეგიდან ფინანსურ და მატერიალურ კეთილდღეო-

მშვენიერი სამსახიობო ხელოვნებით სხვადასხვა „კუკლიებს“ უდებს ფეხქვეშ და შედეგიც, უმრავლეს შემთხვევაში, ერთი დგება: მშრალზე დარჩენილი და მოტყუებული მოქალაქე. თაღლითობის „მწვერვალი“ კი ისაა, როდესაც ეს ნამუსგარეცხილი შარლატანი „დასამუშავებელ“ ობიექტს კანონ-

## ბარონი ანონის სახელით ანუ რა დღეში ჩააგდო გამაცაცოებულმა და შეიღავ გადმოგაცაცოებულმა შარლატანმა საჯარო სკოლები

ნის სახელით ატერორებს. ასეთი დახელოვნებული აფერისტები სწორედ კანონში ეძებენ რაღაც ლაფსუსებს, პოულობენ კიდევ და მერე პერიოდულად შლიან და ვაი, მათ, ვინც მათ კლანჭებში ხვდება.

ჩვენ დღეს სწორედ ასეთ თაღლითზე მოგითხრობთ, რომელმაც კანონის სახელით ჩვენი მუნიციპალიტეტის, ასევე ქარელის, წალკის და ვინაა კიდევ რიგში, დმართმა უწყის, ასამდე საჯარო სკოლა სატაბაკე წიწილასავით გაპუტა და ათასობით ღარი პირდაპირ სასამართლოს ძალით აახია.

მართლაც რა საოცარი რამ ყოფილა ეს კანონი. აქამდე დაჯერება არ მინდოდა და ფაქტი აღმოჩნდა: თუ კანონს შეუძლია დაიცვას მართალი ადამიანი, თურმე კანონს იმის შესაძლებლობაც ჰქონია, მართალ ადამიანს თავს დაესხას და მორალურად თუ მატერიალურად ძირს დასცეს. კარგით, თავი დაანებოთ ყველაფერს და დაივიწყეთ:

ხაშურის მუნიციპალიტეტის 31 საჯარო სკოლაზე შეტევა 14 თებერვალს დაიწყო, როდესაც ყველა სკოლას ელექტრონული ფოსტით ერთიდაიგივე წერილი (გნებათ, განცხადება) მოუვიდა. რა ვქნა, მკითხველი შეიძლება გადავღალო, მაგრამ სხვაგვარად შეიძლება ბევრი კითხვა პასუხგაუცემელი დარჩეს, ამიტომ უცვლელად ვთავაზობთ ამ განცხადებას:

**განცხადება**

**ელექტრონული რესურსებით საჯარო ინფორმაციის გამოთხოვის შესახებ**

საქართველოს ზოგადი ადმინისტრაციული კოდექსის მე-40 მუხლის შესაბამისად, გთხოვთ,

მოგაწოდოთ შემდეგი სახის საჯარო ინფორმაცია:

- ა) 2011, 2012, 2013, 2014, 2015, წლებში გაფორმებული სახელმწიფო შესყიდვების შესახებ ხელშეკრულებების ასლები;
- ბ) 2011, 2012, 2013, 2014, 2015, წლებში გაფორმებული სახელმწიფო შესყიდვების შესახებ ხელშეკრულებების შესრულების ანგარიშები, მიღება-ჩაბარების აქტების და მომსახურების ღირებულების ანახლავრების დოკუმენტების ასლები;
- გ) 2011, 2012, 2013, 2014, 2015, წლებში სკოლის დირექტორის მიერ გამოცემული ინდივიდუალურ-ადმინისტრაციული სამართლებრივი აქტების (ბრძანება, ოქმი, აქტი, წერილი) ასლები (სხვა პირის პერსონალური მონაცემების დაცვის უზრუნველყოფით);

(გაგრძელება II გვერდზე)



ბას ელის. ამ ქმედებას კანონის ენაზე თაღლითობა და შარლატანობა, ხალხში უფრო გავრცელებული ტერმინოლოგიით კი აფერისტობა ჰქვია. ძალიან გამიგრძელდა მთავარ სათქმელზე გადასვლა, მაგრამ ამ თაღლითობაზეც უნდა ვთქვა ორიოდ სიტყვა: თაღლითობა ათასგვარია და ყველაზე გავრცელებული ფორმის მიხედვით ერთი ნამუსგარეცხილი სუბიექტი მეორე „ბოთეს“ ათასგვარი ხრიკებით და





(გაგრძელება)

დ) 2011,2012,2013,2014,2015 წლებში სკოლის ადმინისტრაციის, ასევე სკოლის პედაგოგთა და დამხმარე პერსონალის უფლებებისა და სამსახურებრივი მოვალეობების განაწილების, საათობრივი დატვირთვის შესახებ შესაბამისი სამართლებრივი აქტების ასლები;

ე) 2011, 2012, 2013, 2014, 2015 წლების ბუღალტრული ანგარიშები, ბალანსები და სასაქონლო-მატერიალური ტექნიკური ბაზის (აღჭურვილობის) შესყიდვის აქტები და მომსახურების მიღების/გაწვევის დამადასტურებელი დოკუმენტების ასლები;

ვ) 2011, 2012, 2013, 2014, 2015 წლებში მიღებული ფინანსური შემოსავლების დამადასტურებელი დოკუმენტების ასლები (ხელშეკრულებები, მიღება-ჩაბარების აქტები ან/და საღარიბო შემოსავლის ორდერები);

ზ) 2011,2012,2013,2014,2015 წლებში გამოცხადებული ტენდერების სატენდერო დოკუმენტაცია;

თ) 2011,2012,2013,2014,2015 წლებში სამეურვეო და პედაგოგიური საბჭოს სხდომის ოქმების ასლები;

ი) 2011, 2012, 2013, 2014, 2015 წლებში მოსწავლეთა თვითმმართველობის სხდომის ოქმების ასლები;

კ) 2011,2012,2013,2014,2015 წლებში დამტკიცებული შესყიდვების გეგმის ასლები;



ლ) 2011, 2012, 2013, 2014, 2015 წლებში გამოცხადებული კონკურსების (შრომითი პერსონალის და თანამშრომლების მიღების თაობაზე) დოკუმენტების ასლები;

მ) 2011, 2012, 2013, 2014, 2015 წლების წესდების ასლები;

ნ) 2011, 2012, 2013, 2014, 2015 წლების სკოლის შინაგანაწესის ასლები;

ო) 2011, 2012,

2013,2014,2015 წლებში სკოლის მოსწავლეთა თვითმმართველობის შემადგენლობის არჩევის/გადარჩევის დოკუმენტების ასლები;

პ) სკოლის შინაგანაწესის ასლები;

ჟ) სკოლის ადმინისტრაციის, ასევე სკოლის პედაგოგთა და დამხმარე პერსონალის უფლებებისა და სამსახურებრივი მოვალეობების განაწილების, საათობრივი დატვირთვის შესახებ შესაბამისი სამართლებრივი აქტების ასლები;

რ) სკოლის შინაგანაწესის უზურფრუქტით მიღების თაობაზე არსებული შესაბამისი ხელშეკრულების ასლები;

ს) სსიპ - ქალაქ თბილისის №18 საჯარო სკოლის 2014, 2015 წლების ანგარიში საქართველოს ზოგადი ადმინისტრაციული კოდექსის 49-ე მუხლის შესაბამისად, საქართველოს ზოგადი ადმინისტრაციული კოდექსის „ინფორმაციის თავისუფლების“ თავით გათვალისწინებული მოთხოვნების შესრულების თაობაზე;

ტ) 2011, 2012, 2013, 2014, 2015 წლებში სკოლის პედაგოგიური საბჭოს სხდომის ოქმები;

უ) 2011, 2012, 2013, 2014, 2015 წლებში სკოლის სამეურვეო საბჭოს სხდომის ოქმები;

ფ) 2011, 2012, 2013, 2014, 2015 წლებში სკოლის მიერ გაფორმებული საჯარო ხელშეკრულებების ასლები (ასეთის არსებობის შემთხვევაში).

გთხოვთ, საჯარო ინფორმაცია გასცეთ კანონმდებლობით დადგენილი წესის შესაბამისად შემდეგ ელექტრონულ ფოსტაზე: pr.garemosdacva@yahoo.com სხვა პირის პერსონალური მონაცემების დაცვის უზრუნველყოფით. ინფორმაცია გაცეით ადმინისტრაციულმა ორგანომ მიუხედავად იმისა, რომ იგი შეიძლება გამოქვეყნებული იყოს პროაქტიულად.

პასუხი გვაცნობეთ წერილობითი ფორმით. გარემოსა და ბუნებრივი რესურსების დაცვის სააგენტო, სააგენტოს უფროსის მოვალეობის შემსრულებელი ეკოლოგიის ეროვნული მრჩეველი

/გიორგი ტატიშვილი/

ვინ არის ამ წერილის (განცხადების) ავტორი გიორგი ტატიშვილი? ჩვენი მკითხველი, ვფიქრობთ, კარგად უნდა იცნობდეს მას. ესაა ცნობილი ტრანს-

გენდერი, რომელიც ამ ორიოდე წლის წინ უცებ მაცაცოდ მოველინა ქვეყანას და ქალის ფორმითა თუ მაკიაჟით „დამშვენებული“ სხვადასხვა სატელევიზიო შოუში იწონებდა თავს. თავის ინტერვიუებში მას თავიც მოჰქონდა, რომ მისი მომსახურებით

### ბერიორი ხანონის სახელით ანუ რა დღეში ჩააგდო გავაცოცოაულმა და ვემღებ გადმოაგაცოცოაულმა პარლამანმა საჯარო სკოლები

ძალიან ბევრი მაღალჩინოსანი სარგებლობს (ამ ინტერვიუების ნახვა ინტერნეტში დღესაც ნებისმიერს შეუძლია). ჯერ იმ მაღალჩინოსნების დედაც, რომლებიც ჩვენს კისერზე სხედან, ჩვენი დაფინანსებით იღებენ ხელფასებს და მერე ამ გარყვნილთან ხარჯავენ და მერე იმ ტელევიზიებისაც, რომლებიც ასეთ შოუებს გეტყვიან. ახლახანს მაცაცოდყოფილი უცებ გამოეცხადა ქვეყანას და არავითარი მაცაცოდ, ისევე გიორგი ტატიშვილი ვარო, განაცხადა. მოწყინდა ქალობა ბიჭს! (რა ბიჭი, რის ბიჭი, მაგრამ მე თვითონ ვარ დაბნეული და რა სქესის აღმნიშვნელი ტერმინი ჩავეწერო, ვეღარ ვხვდები).

მივყვეთ საქმეს. ავტორი გავარკვევთ. ახლა ის გავარკვევთ, რა ოხრობაა ეს „ჟღერადი“ „გარემოსა და ბუნებრივი რესურსების დაცვის სააგენტო“, ვისი სახელითაც ტატიშვილის „ვაჟაკი“ სარგებლობს. დღევანდელი ტექნოლოგიებით ამის გარკვევაც წამში შეიძლება. წერილს, ორგანიზაციის ტიტულში თან ახლავს სახელმწიფო გერბი და შტრიხკოდი, რაც გავაფიქრებინებს, რომ ეს ორგანიზაცია რომელიმე მსხვილი სახელმწიფო დაწესებულებაა. არაფერი მსგავსი! ჩვეულებრივი არასამთავრობო ორგანიზაცია ყოფილა.

დემოკრატია, არაფერი საწინააღმდეგო არ მაქვს არასამთავრობოს წინააღმდეგ, პირიქით, მიმანია და ვადასტურებ, რომ ეს ორგანიზაციები დემოკრატიის თანმდევი და აუცილებელი ინსტიტუტებია, მაგრამ თუ ორგანიზაცია უკვე ტიტულშივე თაღლითობს? ჯერ ერთი, ტიტულში არსად არაა არნიშნული, რომ ეს არასამთავრობო ორგანიზაციაა, მეორეც, კანონი კრძალავს არასამთავრობო ორგანიზაციების სატიტულო ფურცელზე სახელმწიფო გერბისა და შტრიხკოდის გამოყენებას. მაგრამ რა? ამ დედაანგელოზს (თქვენ რაც გინდათ და რაც საჭიროა, ამ ტერმინში ის იგულისხმე, ძვირფასო მკითხველო) გასდის და ისიც უბერავს. სხვათაშორის, როდესაც მის ეშმაკობას მიხვდნენ ხაშურში და მიუთითეს კიდევ, ქარელის სკოლებისადმი მიწერილი განცხადებების ტიტულში გერბიც გაქრა და შტრიხკოდიც.

ახლა მთავარი: საქმეში ჩაუხედავი მკითხველი იტყვის, სკოლა საჯარო დაწესებულებაა, საჯარო ინფორმაცია კანონით ნებისმიერ მოქალაქეს შეუძლია გამოითხოვოს და მიეშავებინათ ეს ინფორმაციები და მორჩებოდა საქმეო. ეჰ, ნეტავ ასე მარტივად იყოს ყველაფერი! კი, საქართველოს ზოგად ადმინისტრაციული კოდექსის მე-40 მუხლის თანახმად, საჯარო დაწესებულება ვალდებულია, გასცეს საჯარო ინფორმაცია დაუყოვნებლივ ან არაუგვიანეს 10 დღის განმავლობაში, მაგრამ როდესაც საქმე დაახლოებით 15-20 ათასი თაბახის ფურცელს ეხება? ძალიანაც რომ მოინდომოს სკოლა, ჩართოს მთელი პედაგოგიკტივი და დაიხმაროს მოსწავლეებიც, ვეჭვობ, ამ ვადებში ჩაგტიოს. ესეც არ იყოს, სკოლა უკვე ფინანსურად ძალიან დიდ ზარალში მოდის, რადგან 20 ათას ფურცელს მარტო 400 ლარის ქაღალდი დასჭირდება, ამას მიუმატეთ პრინტერის 10-12 კარტრიჯი და ისე გაცდებით 1000 ლარს, როგორც არაფერი, რომ აღარაფერი ვთქვათ ადამიანური რესურსის მთელი ათი დღით მოცდუნაზე. თუ ვინმეს ეს დედაანგელოზი ისეთი გულუბრყვილო ჰგონია, რომ ამდენი არ უფიქრია, მწარედ სცდებით. უფიქრია კი არა, თაღლითობის მთელი სქემაც აქვს შედგენილი და წამითაც არ უხევეს დასახულ მიზანს. მშვენივრად უწყის, რომ სკოლები ამას ვერ მოახერხებენ და აქ უკვე სასამართლომდე მიდის საქმე. რას ჰქვია? სკოლები კანონს არ დევნიან? ეს როგორ შეიძლება? ეს სად გაგონილა? ამას ვინ მოსწრებია? უშველეთ თემიდა, ადამიანს კანონიერ მოთხოვნას არ უსრულებენ! აქ კი საქმეში ყველაზე „კომიკური“ ნაწილი იწყება. „დაზარალებული“ გიორგი ტატიშვილი, რომლის კანონიერი უფლება ასე უხეშად „დაარღვიეს“ სკოლებმა, 17 თებერვალს ხელშეკრულებას აფორმებს „გიორგი ტატიშვილის ბიუროსთან“, რომ ამ ბიურომ მისი კანონიერი უფლებები დაიცვას. ვაგიუება შეიძება, კაცო! თავის თავთან აფორმებს ხელშეკრულებას! სხვათაშორის, 10 თებერვალს, სკოლებისადმი გაგზავნილ წერილში, იგი, როგორც ზემოთ ნახეთ, სააგენტოს უფროსის მოვალეობის შემსრულებელია. ხელშეკრულებაში კი იგი ხელს აწერს, როგორც სააგენტოს უფროსი. თუმცა, ეს „წერილმანი“ თაღ-

ლითობებია და მის ჩაფიქრებულ მთავარ „პროგრამას“ ხელს არ უშლის.

მოკლედ, საქმე სასამართლომდე მიდის, თუმცა რა მიდის, მივიდა და დამთავრდა კიდევ! წარმოიდგინეთ სკოლის მდგომარეობა: თუ სარჩელს არ ცნობ და წააგე სასამართლო (რისი 100 პროცენტიანი ალბათობაა), სახელმწიფო ბაჟს იხდი და ფინანსურად ზარალდები, თუ ცნობ, ხომ ისედაც წაგებულნი ხარ.

გამწარებულმა სკოლებმა მიმართეს ყველა ინსტანციას, მათ შორის საქართველოს პრემიერ მინისტრს გიორგი კვიციანი-აშვილს. მისი უშუალო დაგვლებით ამჟამად საქმეს პროკურატურა სწავლობს. მაგრამ რა? ამ შარლატანს სასამართლოს გადაწყვეტილებები უმაგრებს ზურგს, კანონით ის „მართალია“, სხვათაშორის, ეს დედაანგელოზი ადრე უკვე იყო თაღლითობისათვის ნასამართლვე. ფაქტია, რომ იგი პროფესიონალი აფერისტია, მაგრამ სასამართლოსათვის ეს მაინც არ იყო არგუმენტი. თითქოს უკან მოვიტოვეთ ის დრო, როდესაც ამ ავადსახსენებელი ნაციონალების რეჟიმის პერიოდში სასამართლო სისტემა ერთი პატარა გან-



ყოფილება იყო ხელი-სუფლების კარზე. ათასობით ალამარ-თალი კაცი სწორედ ამ სისტემის დანაშაულებრივი ქმედების გამო მოხვდა საპყრობილეთში. ახალათით ქო ს შეიცვალა ყველაფერი. სასამართლოც გათავისუფლდა ხელი სუფლების წნეხისაგან, მაგრამ ამ წერილში მოყვანილი ფაქტებითაც დასტურდება, რომ მართალი კაცი ისევე იჩაგრება. სრულიად დარწმუნებით შემიძლია გითხრა: ეს სასამართლო რომ ამერიკაში, ინგლისში, საფრანგეთში და სხვა განვითარებულ ქვეყანაში გამართულიყო, მოსამართლე ადგილზევე გაცემდა ასეთ შარლატანის დაკავების ბრძანებას. ისეთ ქვეყანაში, როგორც ჩვენ ვართ, კანონებში იმდენი რამა დასახვეწი, რომ მათი სრულყოფისათვის ცალკე მოწვეული პარლამენტის მრავალწლიანი მუშაობაა საჭირო. მოსამართლეზე უკეთ ეს ვინ იცის? კარგად ხედავს, რომ კანონის ლაფსუსის გამო მართალი კაცი იჩაგრება, მაგრამ მისთვის ეს კანონია ჩაკეტილი წრე და ამ წრის იქით ვერ იყურება. სასამართლოს მსოფლიო პრაქტიკიდან ათასობით მაგალითი შემიძლია მოვიყვანო, როდესაც მოსამართლე გვერდს უწლის ცუდ კანონს, რადგან ხედავს, რომ კანონი, იმ კონკრეტულ შემთხვევაში, დამნაშავის მხარესაა. გახსოვთ ახდაკი გენიალურ „ვაკასიური ცარცის წრეში?“ იგი საკუთარი, მორალური კანონებით განსჯის და ბავშვსაც იმას მიაკუთვნებს, ვისაც მართლა ეკუთვნოდა. ვის მოუბრუნდება ენა, რომ ახდაკი მართალი არ იყო, სასამართლომ არასწორი განაჩენი დადო და კანონებს გადაახტა? ეჰ, მართლა აკლია ახდაკები ჩვენს სასამართლო სისტემას. სხვა რა უნდა ვთქვათ, როდესაც სწორედ ეს სისტემა ამართლებს მაცაცონსაირ შარლატანებს. უფიქრია კი მოსამართლეს, რა მოხდება, ამ სულელური კანონის გადაამკიდეს, ერთ მშვენიერ დღეს, სკოლებს უცებ ხუთმა ან ათმა მაცაცონსაირმა რომ იგივე განცხადებით მიმართოს? წარმოვიდგინათ რა მოხდება? სკოლები აბსოლიტურ კოლაფსში აღმოჩნდებიან. უნდა შეწყვედეს სასწავლო პროცესი, დაითხოვონ ბავშვები და მთელი პედაგოგიური კოლექტივი ქსეროასლების გამრავლებაზე უნდა გადაერთოს. ან რა პედაგოგიკტივია უნდა 200 ათასი ფურცლის დაქსეროქსებას? თან 10 დღეში? ვერ მოასწრებენ და სკოლის მთელი ბიუჯეტი ტყაპ წავა მაცაცოების ჯიბეში. გენაცვალეთ, კანონმდებლებო! თქვენს შემოქმედებით ტყინს ვენაცვალეთ ასეთ გენიალურ კანონებს, რომ ქმნით და გზას კი არა მცირე საცალფეხო ბილიცაც არ უტოვებთ მართალ კაცს, ამ სულელური კანონის შეკრული წრიდან დააღწიოს თავი! ალბათ თქვენი ბრალიცაა, რომ ეს მაცაცოები ასე მომრალდნენ ქვეყანაში და იმ

(დასასრული II გვერდზე)



(დასასრული)

დონეზე აღზევდნენ, რომ მთელ ქვეყანას დაგვიტანონ. ა, ბატონო, ამის მაგალითი, მაცაცოს ფეისბუქის გვერდიდან, სადაც არც მალავს, რომ თაღლითია და ამაცობს კიდევ ამით. მომეყავს მისი სიტყვები და ბოდიშს ვიხდი მკითხველთან იმ უცნაურობისათვის რასაც იგი კადრულობს (ამას რას მოვესწარი, საბოლოოდ მე მიხდება საქმე გე): „ნუ შემეცით რა, ამ სიტყვის სრული მნიშვნელობით, თაღლითობაც ერთგვარი ხელოვნება და რომ იძახით მოგვატყუა მოგვატყუაო, ვინ ტყუვდება თუ არა დებილი? ჰოდა, დებილები ხართ და ჩუ რა, ჰა-ჰა-ჰა!“

ნუთუ ამის მერე მაინც არ უნდა დარწმუნებულყოფილად სასამართლო, რომ ამ გაურკვეველი სქესის ადამიანს სკოლების მონიტორინგი სულ ცალ ფეხზე ეკიდა და აფორას ქმნიდა? არა, ვერ დარწმუნდა! ეს დედააფეთქებული კანონი უდევს წინ და

იმის იქით სამყარო აღარ ჩანს.

მოკლედ, დამთავრდა ესე „ზღაპარი“. ის სკოლები, რომლებიც სასამართლოზე გაურიგდნენ მოსარჩელეს, 90 მანეთად „გამოძვრნენ“ ამ დავიდარაბიდან, ვინც არა და სასამართლომ დააკისრა ასიდან ასორმოდან მანეთამდე გადახდა. ახლა ეს ყველაფერი, სულ მცირე, 100 სკოლაზე გადაამრავლეთ და კი გაივსო ჯიბე ამ ჩვენმა მაცაცუნამ.

### ბარორი ხანონის სახელით ანუ რა ღლეში ჩააგდო გააყვანა და შეიღებ გადგომაყვანა შარლაბანა საჯარო სკოლები

ეს დასავლეთი, რომელიც უკვე ყელში ამოვიდა თავისი ლიბერალიზმით, ყოველწამს ჩაგვიჩინებს, რომ ღვპულ პირებს პატივი უნდა ვცუთ და მათი უფლებები დავიცვათ. დემერტანი, მეც მინდა მათ თავისი ცხოვრებით პატივისცემა დაიმსახურონ, მაგრამ ასეთი ქცევით? ასეთი მორალით? თუ სწორედ ესაა იმ დასავლეთის მიზანი, რომ ამ მორალის ხალხს ვაშენებინოთ ქვეყანა, რომ ქართული წესი, ადათი, ტრადიცია საბოლოოდ დასამარდეს და

ყოველივე ქართული მოისპოს? ალბათ ასეცაა და მივედივართ თუ მივექანებით კიდევ ამისკენ, რადგან როდესაც ხალხი მოძღვარს აღარ უსმენს, მაშინ ქვეყანა ჯამბაზებს უფარდებათ ხელში.

გოგი გოგოლაძე



საქართველო ღვინის უძველესი სამშობლოა, ღვინო კი ქართული სუფრის მშვენიერებაა, ურომლისოდაც არც საუბარს და არც გართობას ხიბლი არა აქვს. არ ვიცი, როდის ჩაეყარა საფუძველი სუფრაზე ღვინით სადღეგრძელოების წარმოქმნის ტრადიციას, მაგრამ აშკარაა, რომ სადღეგრძელოები ეპოქის გარკვეულ პერიოდთან ერთად იბადებიან, თანდათან ფერმკრთალებიან, კვდებიან და ქრებიან. მინდა ჩემი ბავშვობის და ახალგაზრდობის პერიოდის სადღეგრძელოები გავისხენო, რომელთა ნაწილი გაქრა, ნაწილი კი პოლიტიკური ელფერი შეიძინა, გაფერმკრთალდა და სუფრასთან წარმოქმნისას თამადის გამონათქვამისადმი ერთსულოვნება აღარ იგრძნობა.

ეს წერილი მინდა ავბედით 1941 წლის 22 ივნისს დაუკავშირო, როცა დასავლეთი ევროპაში მიმდინარე საბრძოლო მოქმედებებმა აღმოსავლეთისკენ გადმოინაცვლეს, საბჭოთა კავშირის სახელმწიფო სახდვარი გადმოლახეს, დაიწყო ისტორიაში ჯერ არნახული მასშტაბის ნგრევა და კაცთა კვლა.

საქართველოს არსებობის ისტორიის განმავლობაში, ალბათ არ დაღუპულა იმდენი ჩვენი თანამემამულე, რამდენიც იმ ომმა შეიწირა.

ჯერ კიდევ დაუზუსტებელი ცნობით, საქართველოდან გაწვეული 680 ათასი კაციდან 270 ათასი მეომარი ვეღარ დაუბრუნდა მშობლიურ კერას, ეს მაშინ, როცა საქართველოს არასოდეს ჰყოლია 100 ათასიანი ლაშქარი, ხშირად კი მისი რაოდენობა რამდენიმე ათასი კაცით შემოიფარგლებოდა.

ჩემი ბავშვობის წლებში მიღებული იყო ფეხზე აღვართ „წითელი ღობის“ სადღეგრძელოს წარმოქმნა. წითელ ღობეში იგულისხმებოდა საბჭოთა არმია, რომელსაც თავის დროზე განმათავისუფლებ-

სადღეგრძელოები.

ეს სადღეგრძელოები გამოგონილი იქნენ მლიქვნელების მიერ და ამიტომაც მათთან ერთად გაფერმკრთალდნენ და გაქრნენ.

სამწუხაროდ, გაფერმკრთალდა შინმოუსვლელთა სადღეგრძელო, რომელშიც იგულისხმებოდა მეორე მსოფლიო ომის დროს საბრძოლო ფრონტზე გაწვეული და იქიდან უკან ვეღარ დაბრუნებული თანამემამულენი. მათდამი გულცივ დამოკიდებულებას, განსაკუთრებით ახალგაზრდების მხრიდან, მე მტკივნეულად განვიცდი, თუმცა ცოტა მაინც მამშვიდებს ისტორიის ჩარხის მუდმივი ტრიალი, რომელმაც ვერ შემოგვინახა 300 არაგველიდან ვერ-

### პოზიცია

## სადღეგრძელოებიც იბადებიან, კვდებიან და ქრებიან

ცერთი მონაცემები, მაგრამ მათ მიერ ჩადენილი გმირობა პატრიოტული გრძნობების შთაგონების წყაროდ კიდევ დიდხანს დარჩება ქართველი ხალხის წიაღში. ასე მოხდება მეორე მსოფლიო ომის მონაწილეთა მიმართ დამოკიდებულებაშიც.

იმ ელფერით აღარ ამბობენ 9 აპრილის ტრაგედიის დაღუპულთა და მონაწილეთა სადღეგრძელოს, როგორც 90-იან წლებში გამოითქმებოდა. მაშინ იყო აზრი, რომ ქართულ სუფრაზე კიდევ ერთი აუცილებლად სათქმელი სადღეგრძელო წარმოიქმნა, მაგრამ აუცილებლობა სასურველობაში გადაიზარდა და ახლა კანტი-კუნტად თუ მოისმენთ მას.

გაფერმკრთალდა ხალხთა შორის მეგობრობის სადღეგრძელო. ეს ტრაგედიაა. მეგობრობა ხომ მშვიდობის საწინდარია.

სულიერების გამოცოცხლების პარალელურად წარმოიშვა ახალი სადღეგრძელოებიც, რომლებიც შორსაა პარტიულ-პოლიტიკური კონიუნქტურიდან.

ურწმუნოთა მმართველობის პერიოდში ოფიციალურად არავის აუკრძალავს რელიგიურად ცხოვრება, მაგრამ მორწმუნე ადამიანებს გიჟებდა თვლიდნენ და გიჟებს კი პასუხსაგებ სამსახურთან ახლოს ვინ გააკარებდა?

წმინდანად შერაცხული გაბრიელ ბერი დახვრეტას იმით გადაურჩა, რომ ღმერთი სწამდა და გიჟად მიიჩნევდნენ.

ჩემი სიცოცხლის მანძილზე საქართველოს ეკლესიის ხუთ წინამძღვარს მოვესწარი. ყოველ მათგანს ურწმუნოთა ზეობის

დროს მოუწია საქართველოს მართლმადიდებლური ეკლესიის წინამძღოლობა კათალიკოს-პატრიარქის რანგში. მიიმე იყო ასეთი ჯვრის ტარება, მაგრამ მათდა სსახელოდ, რეპრესიების, მუქარის, შევიწროებისა და შეურაცხყოფის მიუხედავად, ღირსეულად ატარეს იგი, ხალხს შეუნარჩუნეს ჭეშმარიტი სარწმუნოება.

1977 წლის 25 დეკემბერს მოხდა ილია II-ის საქართველოს კათალიკოს-პატრიარქად აღსაყდრება და დღემდე იგი საქართველოს სულიერი სამყაროს

ღირსეული წინამძღოლია.

წინა ათწლეულებში მოღვაწე კათალიკოს-პატრიარქების დროს ქრისტიანული რელიგიური რიტუალები მიჩნეულადად მიმდინარეობდა. ილია მეორემ კი არა მარტო მათი საჯაროობა, არამედ ქვეყნის პოლიტიკური და სახელმწიფო მოღვაწეების ეკლესიის მრევლად მოზიდვაც კი შეძლო. ერთ დროს პირველი ურწმუნო ანთებული სანთლებით ხელში ჯვარსა და კაბის კალთას კოცნიდნენ, ასეა დღესაც. ერი უდიდესი პატივისცემით ეპყრობა მას. აი, ასეთმა სახალხო სიყვარულმა და განწყობამ წარმოშვა ახალი, საქართველოს კათალიკოს-პატრიარქისადმი მიძღვნილი სადღეგრძელო, რომელსაც ფეხზე აღვართ სვამენ სუფრის დასაწყისშივე.

ვინ ან როდის დაიმსახურებს ახლო მომავალში ასეთს პატივისცემას? ახალ სადღეგრძელოთა შორის ღირსეული ადგილი დაიკავა საქართველოს დამოუკიდებლობის დღის სადღეგრძელომ.

ჩემი ბავშვობის პერიოდში უპირველეს სადღეგრძელოდ მიჩნეული იყო იოსებ სტალინის სადღეგრძელო, რომელსაც არა მარტო ფეხზე აღვართ, არამედ ოვაციითაც ხვდებოდნენ. ვინ გაბედავდა, ფეხზე არ ამღვარიყო ღმერთკაცად მიჩნეული ადამიანის სადღეგრძელოს წარმოქმნას.

ახლა ამ სადღეგრძელოს ასაკში შესულებიც კი იშვიათად ამბობენ, თანდათან ფერმკრთალებდა და კვდება იგი. სტალინის ხსენება სუფრასთან ხმაურს და უწესრიგობას იწვევს იმის გამო, რომ ჭურაღქცული საში თაობა ერთმანეთს უმტკიცებს სტალინის ავკარგიანობას. ერთი თაობა ჭურდიან ამოძახილი საქებარი სიტყვებით იხსენიებს მას, მეორე თაობას ჭურდიან მის შესახებ მხოლოდ უარყოფითი ხმა ესმის, მესამე თაობას კი საერთოდ ვერ გაუგია და არც აინტერესებს რა ფენომენთან აქვს საქმე, მაგრამ უფრო უარყოფით დამოკიდებულებას ამჟღავნებს, ვიდრე დადებითს, რადგანაც მისი თაობა სტალინის ლანძღვა-გინების მომწვერე უფროა ვიდრე მისი ქება-დიდება.

სინამდვილეში სამივე თაობა ტყუის. არ შეიძლება სამივე თაობა იყოს კარგი ან ცუდი. ნებისმიერ ადამიანს აქვს ორივე მხარე. შეიძლება დადებითად ან უარყოფითად შეაფასო ადამიანის მიერ ცალკეული ნამოქმედარი, მაგრამ მისი მთლიანობაში დადებითად ან უარყოფითად შეაფასება არასოდეს იქნება ჭეშმარიტი.

ამ ისტორიულ პიროვნებაზე რომ ახალგაზრდებს წარმოღვენა მაინც შეეკმნათ, მოვიყვან მოკლე მონაცემებს მისი ბიოგრაფიიდან.

ი.ბ. სტალინი დაიბადა 1879 წლის 21 დეკემბერს გორში. სკკპ წევრი იყო 1898 წლიდან. რუსეთში სამოქალაქო ომის დროს იყო რესპუბლიკის სამხედრო-რევოლუციური და რიგი ფრონტების საბჭოს წევრი. 1922-1953 წლებში იყო სკკპ ცკ გენერალური მდივანი, იმავდროულად 1941 წლიდან იყო სსრ კავშირის მინისტრთა საბჭოს თავმჯდომარე. მის სახელთანაა დაკავშირებული სოფლის მეურნეობის კოლექტივიზაციისა და მრეწველობის ინდუსტრიალიზაციის ხუთწლედები, სსრ კავშირში სოციალიზმის გამარჯვება და გამარჯვებული სოციალიზმის კონსტიტუციის მიღება. 1939 წელს მიენიჭა სოციალისტური შრომის გმირის წოდება. 1941-1945 წლების ომის დროს იყო თავდაცვის სახელმწიფო კომიტეტის თავმჯდომარე, თავ-



ელს, ხოლო შემდგომში დამპყრობელს უწოდებდნენ. ეს სადღეგრძელო XX საუკუნეში დაიბადა, მოკვდა და გაქრა.

ასევე დაიბადა, მოკვდა და გაქრა ლავრენტი ბერიას სადღეგრძელო, რომელსაც თურმე შიშის გამო სვამდნენ. თუ რომელიმე სუფრასთან მის სადღეგრძელოს არ წარმოთქვამდნენ, სუფრის თამადას შავი დღე ელოდებოდა.

ჩვენს თვალწინ დაიბადა, მოკვდა და გაქრა კომუნისტური პარტიის და მისი ცალკეული ლიდერების



(დასასრული II გვერდზე)

დაცვის სახელმწიფო კომისარი (მინისტრი), უმაღლესი მთავარსარდალი, ხელმძღვანელობდა უმაღლესი მთავარსარდალობის ბანაკს. 1945 წლის 26 ივნისს ფაშისტურ გერმანიაზე გამარჯვების უზრუნველყოფაში გაწეული დიდი ღვაწლისთვის მიენიჭა საბჭოთა კავშირის გმირის წოდება და იმავე წელს საბჭოთა კავშირის გენერალი-სიმუხის წოდება. ორჯერ იყო დაჯილდოებული უმაღლესი სამხედრო „გამარჯვების“ ორდენით. აქტიურად მონაწილეობდა ომის შემდგომი მსოფლიოს მოწყობა-განვითარების პროგრამის შემუშავებაში. ხელმძღვანელობდა სსრ კავშირის სახალხო მეურნეობის აღდგენისა და ქვეყნის განვითარების ყველა ძირითად მიმართულებას.

გამოქვეყნებულია მისი პოლიტიკური ნაშრომების 13 ტომი. საგაზეთო წერილი კი არა, ტომეულები ვერ მოითავსებენ მის მიმართ გამოთქმულ კომპეტენტურ თუ ქარაფშუტულ აზრებს.

სინამდვილე ისაა, რომ მას მსოფლიოში ჯერ კიდევ ჰყავს მრავალი თაყვანისმცემელი. ეს არცაა გასაკვირი. აბა გაიფიქრეთ, რამდენი თაყვანისმცემელი ჰყავს სისხლით გაუმადლარ მაკედონელს, ნაპოლეონს, ჰიტლერს, მრავალ ხანს, ყაენს თუ დამპყრობელ მეფეს.

მეორე მსოფლიო ომი ჩვენი შავბნელი ისტორიის გუშინდელი დღეა. ამ ომის ისტორიასთან ერთად კარგად თუ ცუდად იცოცხლებს ი. სტალინის სახელიც, რომელმაც გადამწყვეტი როლი შეასრულა ფაშიზმის განადგურების საქმეში. ამას ხომ მთელი მსოფლიო აღიარებს.

მე, როგორც ომის გამო ბავშვობაწარმოებულ მოქალაქეს, არ შემიძლია დუმილით შევხედე ავბუდით 22 ივნისს.

მკითხველს ვთხოვ, ეს წერილი არ ჩათვალოს საქმეგამოღებული კაცის ნაჯღაბნად. სტალინის სახელს ჩემნაირთა კნავილი ვერც ვერაფერს მოაკლებს და ვერც მიუმატებს.

საქმე ისაა, რომ ვეებერთელა ქვეყნის პატრონი თვითონ აღმოჩნდა სრულიად უპატრონო და

ედრო სტრატეგია, ტაქტიკა და შორსმჭვრეტელობა. მიუხედავად მისი პოლიტიკურად განადგურების მცდელობისა, ვერაფერს გაბედა დაეყენებინა საკითხი გენერალი სიმუხის წოდების ჩამორთმევის შესახებ. ასევე ვერაფერს დააყვედრა სოციალისტური შრომის და საბჭოთა კავშირის ციმირის საპატიო წოდებები.

თავისთავად იბადება კითხვა: თუ სტალინი იყო ქვეყნის დამაქცეველი, სიკვდილის შემდეგ მაინც რატომ არ ჩამოართვეს საპატიო წოდებები, უმაღლესი სახელმწიფო და სამხედრო ორდენები და ა.შ. ფაქტია, რომ პოლიტიკურმა ლაყბობამ სამართლებრივად მას ვერაფერი დააკლო.

პოზიცია

სადღეგრძელოებიც იბადებიან, კვდებიან და ქრებიან

ი. სტალინი დიდ პატივს სცემდა რუს ხალხს. 1945 წლის 24 მაისს, კრემლში, წითელი არმიის ჯარების სარდალთა პატივსაცემად გამართულ მიღებაზე, სადღეგრძელოში რუს ხალხს ახასიათებდა, როგორც საბჭოთა კავშირის ხელმძღვანელ ძალას ჩვენი ქვეყნის ყველა ხალხთა შორის. მან ბრძანა: „მე ვადღეგრძელებ რუს ხალხს არა მარტო იმიტომ, რომ იგი ხელმძღვანელი ხალხია, არამედ იმიტომაც, რომ მას აქვს ნათელი გონება, მტკიცე ხასიათი და მოთმინება“. როგორ მოექცა „ნათელი გონების“ ხალხი“ რუსეთის აღმაშენებელს?

ტრაგიკული ბედის მქონე სტალინი არც ცოცხალი და არც მკვდარი არავის გაუსამართლებია, ის არც რეპრესირებულია და არც რეაბილიტირებული. არც მშობლიურ მიწაში განსვენება აღირსეს და არც მისი ძეგლების დანგრევის შესახებ ყოფილა მაღალი დონის ობიექტური ხელისშემშლელი დადგენილებები. მისი ხსენებაც კი გაურკვეველ რეაქციებს იწვევს მტერ-მოყვარეში. საქმე იქამდე მივიდა, რომ გადამთიელები გუკარნახობენ და სვამენ საკითხს მისი ძეგლის ან ბიუსტის დადგმა-აღების შესახებ. როგორ ფიქრობთ, გერმანელები სადმე სტალინის ძეგლის დადგმას მოისურვებენ ან მოიწონებენ?

მკითხველს მინდა, შევახსენო, რომ საპატიო წოდებებს, უმაღლეს ჯილდოებს, მათ აღწერილობებს და მინიჭება-ჩამორთმევის წესებს არეგულირებდა სსრ კავშირის კანონმდებლობა და ხორციელდებოდა სსრ კავშირის უმაღლესი საბჭოს პრეზიდიუმის ბრძანებულებებით. აქედან გამომდინარე, მინისტრთა საბჭო აკონკრეტებდა და სათანადო უწყებებს ავალებდა პროექტების და სხვა სამუშაოების შესრულებას.

საბჭოთა კავშირის გმირის ბიუსტი ბრძანებულებითა და მინისტრთა საბჭოს დადგენილების თანახმად, იდგებოდა გმირის სამშობლოში, როგორც წესი პარკებში, სკვერებსა და ბუღვარებში. გმირის ბიუსტი უნდა ყოფილიყო მოცულობით ნატურალურ ზომასთან შედარებით ორჯერ მეტი და ჩამოსხმებოდა ბრინჯაოსგან. ბრინჯაოს ბიუსტი უნდა დადგმულიყო 2,5-დან 3 მეტრამდე სიმაღლის პოსტამენტზე. ასევე დადგენილი იყო პოსტამენტზე ჯილდოების რელიეფური გამოსახულების და მოკლე ინფორმაციის აღწერა თუ რა დამსახურებისთვის მიიღო მან ეს აღიარება.

ზემოაღნიშნული საკანონმდებლო აქტები არავის გაუუქმებია და რის საფუძველზე ანგრევენ გმირების ძეგლებს, თანაც გადამთიელთა მითითებების გათვალისწინებითა და საამებლად?

საბჭოთა კავშირის გმირის წოდება 12700 კაცზე მეტს აქვს მინიჭებული. სამწუხაროდ, არ ვიცი სოციალისტური შრომის გმირთა რაოდენობა, მაგრამ ის კი ვიცი, რომ გმირთა აბსოლუტური უმრავლესობა რუსეთში იყო დაბადებული. თუ მეტი საქმე არაფერი აქვთ, რუსებმა, როგორც სსრ კავშირის

სამართალმემკვიდრეებმა, დაადგინონ და ანგრიონ თავიანთი გმირების ძეგლები თავიანთ ტერიტორიაზე.

1941 წლის 22 ივნისი ეპოქის მოურჩენელი ტკივილია. მის ახლო-მახლო წლებში წარმოიშვა ფაშიზმი, როგორც რეაქციული და აგრესიული პოლიტიკური მიმდინარეობა, რომელმაც მსოფლიოს ხალხების დიდ ნაწილს ისტორიაში ჯერ არნახული ტრაგედია დაატეხა თავს.

მისი იდეოლოგიის გამარჯვება-დამარცხებისთვის ბრძოლას 50 მილიონი ადამიანის სიცოცხლე შეეწირა, მათ შორის იყვნენ ჩვენი მამა-პაპანი და 270 ათასამდე თანამემამულე.

როგორც რიგითმა მოქალაქემ, მინდა მიემართო ჩემს ხალხს და განსაკუთრებით ახალგაზრდობას, რომ შევინარჩუნოთ ღირსება და პატივისცემით მოვიხსენიოთ ნებისმიერი რანგის მებრძოლები, რიგითიდან გენერალსიმუსამდე, რომლებმაც საკუთარი სიცოცხლის ფასად გარკვეული წვლილი შეიტანეს ფაშიზმის დამარცხებაში.

ცვალებადი პოლიტიკური კლიმატის ქარტეხილებში ნუ ავთქვეფავთ ჩვენებურ ტრადიციებს. გაეთვალისწინოთ მამათა თაობის ეპოქალური ხვედრი და იმ ორი დაუნდობელი რეკიმის ერთდროული ზეობა, როცა ადამიანის სიცოცხლე დიდად არ ფასობდა, ოღონდ ერთმანეთი გაენადგურებინათ.

გავიხსენოთ ჩვენი ბავშვობისდროინდელი მეომარი პატრონის მოლოდინში სახურავჩანგრეული და ღობეწაქცეული ნასახლარად ქცეული კარმიდამოები, გავიხსენოთ დრო, როცა „ფოსტალიონებს დაჰქონდათ ჩანთით ხან სისარული, ხან შეკივლები“. გავიხსენოთ სამკუთხა წერილების მოლოდინში მინავალი დღე და ღამეები და იმედთან ერთად ჩაფერფლილი გაწამებული ადამიანები.

გვეყოს ღირსება და პატივი მივაგოთ ახალგაზრდებს, რომლებიც საწარმოდან თუ სასოფლო-სამეურნეო ნაკვეთებიდან ისე აღმოჩნდნენ ჯოჯოხეთური ბრძოლის ფრონტზე, რომ დანიშნულ საცოცხლესაც ვერ გამოემშვიდობნენ, ან ვერ შეხვდნენ პირველი შვილის დაბადებას, რომელიც რამდენიმე დღეში უნდა მოვლინებოდა ქვეყანას, გავიხსენოთ გადადებული და არშემდგარი ქორწილები, მომაკვდავ ან გარდაცვლილ ახლობლებთან გამომშვიდობება, მელანშეუმშრალი დიპლომების აუღებლობა, მეომართა გაცილებლების ზღვა ცრემლი, შვილების უმამოდ გაზრდის სიძნელეები, შიმშილი, სიცივე, სიღატაკე სიშიშლე, სამჯერ საკრებულდადებული ტანსაცმელ-ფეხსაცმელი, მაგრამ იმედი გამარჯვებისა და ავტორიტეტი ქვეყნის ხელმძღვანელისა.

გავიხსენოთ ფრონტიდან დაბრუნებული ცოცხალ-მკვდარი, კიდურებდაგლეჯილი ნაცნობ-უცნობი, რომლებმაც საფლაოში გაიყოლეს ბრძოლის დროს მოხვედრილი ტყვის და სხვა მეტალების ნამსხვრევები.

გვეყოს ღირსება და პატივი მივაგოთ დაღუპული მებრძოლების მშობლების და ოჯახის სხვა წევრების ხსოვნას, რომელთა მხრებზეც გადაიარა ომისგან გამოწვეულმა მთელმა სიძნელეებმა. პატივი მივაგოთ შიმშილით ძუძუგამშრალი დედების, კუჭცარიელი პაპების და ბებოების ხსოვნას, რომლებიც ნამცეც-ნამცეც შოულობდნენ და გვაწვდიდნენ სასიცოცხლო ლუკმას.

გვეყოს ღირსება და პატივი მივაგოთ ქალებს, რომლებმაც გადაგატანინეს არნახული გაჭირვება და სიცოცხლე შეგვიწარჩუნეს, რომლებიც ომის წლებში, გარდა ქალური საზრუნავისა, ასრულებდნენ მამაკაცის ფუნქციებს, იყვნენ მებრძოლებიც, მშრომელებიც, მესაფლავენიც, მეკუბოვენიც, მექანიზატორებიც და ჭრელი კაბის ჩაცმის მონატრულები ქმართა, შვილთა და ძმათა მოლოდინში ჩაიფერფლენ, ხშირ შემთხვევაში, სათაყვანებელი ახლობლების ფოტოსურათებიც რომ არ გააჩნდათ მოსაფერებლად.

გვეყოს ღირსება, რომ არ გავაფრემკრთალოთ და ამ მიმე დღეებში, ფეხზე ადგომით, კიდევ ერთჯერ შევსვათ გაწამებული თაობის მოსაგონარი უკვდავი სადღეგრძელო, დავიწყოთ იგი ცნობილი გამონათქვამით და დავამთავროთ გათანამედროვებული სიტყვებით:

სამარადისო დიდება გმირებს, რომლებიც დაეცნენ ფაშიზმის წინააღმდეგ ბრძოლებაში!

რევაზ გრიგალაშვილი



დაუცველი. ახლახან ვიდაც-რაღაცა კვლევებით დაუდგენიათ, რომ სტალინი ყოფილა მსოფლიოს უმდიდრეს ადამიანთა რიგებში, ეს მაშინ, როცა კაცს გამოსაცვლელი ტანსაცმელ-ფეხსაცმელი არ ჰქონდა და მისი არაფრისმქონე ოჯახი ისეა განადგურებული, რომ მალე შთამომავლობის არსებობის კვალიც კი შეიძლება გაქრეს.

ამ კვლევის სიცრუე არის პირში წყალჩაგუბებული, თვალდავსებული და ყურებდახშული მსოფლიოს სირცხვილი.

ი. სტალინის სახელისა და ღირსების შელახვას, მისი დამსახურების გაბაიბურებას სათავე დაუდო ტვინნადრძობი ნ. ხრუშჩოვის გამოსვლამ პარტიის XX ყრილობაზე, როცა მან სტალინის მიაწება პიროვნების კულტის იარაღი.

ერთ-ერთ ბრალდებად მას წაუყენეს ის ფაქტი, რომ ომის წლებში თურმე არღვევდა პარტიის წესდებს და არ იწვევდა პარტიის პლენუმებს, კონფერენციებს და ყრილობებს.

ნ. ხრუშჩოვის გარდა, არც ქვეყნის შიგნით და არც გარეთ, არავის დაუწუნებია სტალინის სამხ-



ჩვენი რაიონი ითვლება საშიში ინფექციური დაავადების ბრუცელოზის გავრცელების არი-ალად რომელიც, თავდაპირველად მსხვილფეხა ცხოველებში ვლინდება. სავალალო მდგომარე-ობის თავიდან აცილების მიზნით ჩვენც სათანა-დრო ინფორმაციას მოგაწვდით დაავადებასთან ბრძოლის ხერხებზე. ამისათვის, სურსათის ეროვნული სააგენტოს შიდა ქართლის რეგიონ-ალური სამმართველოს ინსპექტორს შმაგი ზახიკაშვილს ვესაუბრეთ, რომელმაც არსე-ბული მდგომარეობა გაგვაცნო და სიფრთხილ-ისკენ მოგვიწოდა.

- რა დაავადებასთან გვაქვს საქმე?  
- ბრუცელოზის დაავადებას იწვევს ბაქტერია, რომელიც ავადდება რო-გორც ცხოველი, ასევე ადამიანიც. რაც ყველაზე მნიშვნელოვანია ბრუცელოზით დაავადებული ცხოველების მკურნალობის მეთოდები არ არსე-ბობს, თუმცა სოფლის მეურნეობის სამინისტროს სურსათის ეროვნული სააგენტოს გრძელვადიანი სტრატეგიის ფარგლებში ბრუცელოზის საწ-ინააღმდეგოდ ახორციელებს ლაბორატორიულ გამოკვლევებს და ბრუცელოზის საწინააღმდეგო ვაქცინაციას.



- რა სიმპტომებით ვლინდება ცხოველში ბრუ-ცელოზი?  
- ბრუცელოზი, უმრავლეს შემთხვევაში უსიმპ-ტომოდ მიმდინარეობს. ხილული ნიშნები ყველა ცხოველში ერთნაირი არაა, მაგრამ აბორტი, და-მასხასიათებელია ცხოველთა უმეტესობისათვის, უმთავრესად მე-5-8 თვეზე. აბორტის შემდეგ ხში-

რად შეინიშნება მომყოლის შეჩერება, ამასთან წველალობის შემცირება და ბერვად დარჩენა. ბუ-ღებში სათესლე ჯირკვლების დაზიანება.  
- როგორ უნდა მოიქცეს ფერმერი ასეთი სიმპ-ტომების შემჩნევისას?  
- პირველ რიგში, გლეხმა თავად უნდა ჩაიტაროს გეგმიური პოფილაქტიკური და დიაგნოსტიკურ-ი გამოკვლევა ვეტერინარი ექიმის დახმარებით, რადგანაც ადამიანის ჯანმრთელობაც საფრთხის ქვეშაა. როგორც ზემოთ აღვნიშნეთ, ბრუცელოზი ცხოველებში არ იკურნება, შესაბამისად მხოლოდ

### ბრუცელოზი - საშიში დაავადება

ცხოველის მოკვდინებითაა დაავადების აღმოფხ-ვრა შესაძლებელი. დაავადებული ცხოველის და-კვლა დასაშვებია მხოლოდ სასაკლაოზე ვეტერი-ნარის ზედამხედველობის ქვეშ.  
- როგორ უნდა დაიცვას გლეხმა საკუთარი პი-რუტყვი, ვთქვათ, მეზობლის დაავადებული პი-რუტყვისაგან?  
- მეზობელმა უნდა მოახდინოს დაავადებული ცხოველის ლიკვიდაცია და სადგომების დეზინფექ-ცია, მხოლოდ ამ შემთხ-ვევაში შეძლებს ჯანმრ-თელი ცხოველის დაცვას. ამ დაავადებით ცხოველი არ იღუპება, უბრალოდ ის დაავადების გავრცელების წყაროა ადამიანსა და მეორე ცხოველში.

- შეიძლება თუ არა დაავადებული საქონ-ლის რძის და რძისაგან დამზადებული პრო-დუქტების მიღება?  
- რა თქმა უნდა არ შეი-ძლება. დაინფიცირებუ-ლი რძისა და სხვა პრო-დუქტების გამოყენებისას, არსებობს ავადმყოფობის

გავრცელების დიდი რისკი. ამიტომ, თუ ვიცით, რომ საქონელი არის ბრუცელოზით დაავადებუ-ლი, ის ექვემდებარება ლიკვიდაციას, წინააღმდეგ შემთხვევაში ადამიანმა უნდა მიიღოს თერმულად დამუშავებული რძის პროდუქტები.  
- როგორ ვლინდება ბრუცელოზი ადამი-ანებში და როგორ გადადის დაავადება პირუ-

ტყვიდან ადამიანში?  
- ზოგადად ბრუცელოზს ახასიათებს ცხელება, ტემპერატურა აღწევს 40-41 გრადუსს, შეიძლება ეს გაგრძელდეს 7-10 დღე. აღინიშნება უძილობა, გაღიზიანებადობა, ბოდვა, ტაქიკარდია, ხუთვა, აირე-ბის დაგროვება ნაწლავებში, ძლიერი ოფლიანო-ბა და ფადარათი. მსგავსი სიმპტომების აღმოჩე-ნის შემთხვევაში დაუყოვნებლივ უნდა მიმართოთ ექიმს. დროული მკურნალობით ბრუცელოზი იკურნება. ადამიანი ცხოველისაგან ავადდება ძირითადად უსაფრთხოების ზომების დაუცვე-ლობით, განსაკუთრებით, მშობიარობის დროს შიშველი ხელებით მიხმარებისას.  
- რა სამუშაოები მიმდინარეობს და-ვადების აღსაკვეთად?

- წელს ხაშურში ბრუცელოზის შემთხვევა არ დაფიქსირებულა, თუმცა პროფილაქტიკურ სამუშაოებს აქტიურად ვატარებთ. ჩვენი რაიონის მასშტაბით მიმდინარეობს მსხვილფეხა პი-რუტყვის პროფილაქტიკური ვაქცინაციის წინა დიაგნოსტიკური გამოკვლევა. დადებითად მორე-აგირე პირუტყვის დადამღვა, სანიტარული წესით დაკვლა და სადგომების დეზინფექცია. აუცილე-ბელია იმ ფაქტის აღნიშვნა, რომ ცხოველის პა-



ტრონის მიერ სუბიექტური მიზეზებით გამოკე-ლევაზე უარის მიღების დროს, თავდაპირველად ვიძლევიტ წერილობით მითითებას, შემდგომ უკვე ჯარიმდება, ოჯახური წარმოების სუბიექტი 100 ლარით, ხოლო ბიზნესოპერატორი - 500 ლარის ოდენობით. თუ ცხოველში დაავადება იქნა აღმო-ჩენილი სახელმწიფო კომპენსაციის სახით უხდის სუბიექტს 100 ლარს, ხოლო სასაკლაოზე დაკლუ-ლი ცხოველიც მფლობელის საკუთრებაში რჩება.  
**თ. ახალკაცი**

მეფუტკრე სპეციალისტის გიორგი ჯელაძის რჩევები ჩვენმა გაზეთმა წინა ნომერშიც შემოგთავაზათ. დღეს კვლავ ვაგრძელებთ ამ თემას.

მინდა გავაგრძელო ღალიანობის ეტაპის მიმოხილვა. მეფუტკრე ფერმერმა თავიდანვე უნდა განსაზღვროს გამრავლებაზე იმუშავებს თუ თაფლის მო-სავალს აიღებს. მოკლედ ჩემს გამოცდილებასაც გაგიზიარებთ, რომელიცაც ამჟამად ვსარგებლობ. შევეცადე ჩემთ-ვის გამემარტივებინა და გამომეყენებინა ის მეთოდები, რასაც მოწინავე მეფუტ-კრეები იყენებენ, ჩემს საფუტკრეში ამჟა-მად კორპუსიანი დადანის ტიპის სკეპია (10 ჩარჩო), ფუტკრის გამრავლების პროცესში, როცა ფუტკარი დაფარავს 10 ჩარჩოს, ვიწყებ გაყოფის პროცესს. ამ პერიოდისათვის მზად მაქვს 14 დღიანი სადედეები, 5 ჩარჩოს, ფუტკრის დედიტურთ, ავიტან მეორე კორპუსში. კორპუსებს შორის გამყოფად ვხმარ-ობ პოლიეთილენის ტომარას, სკის თავზე კი წარმატებით ვიყენებ ცელო-ფანს, ვთვლი რომ ჩვენი რეგიონისთვის საკმაოდ მოსახერხებელია, ინარჩუ-ნებს ტემპერატურას გაზაფხულზე, ასევე ფუტკრის ოჯახების ერთმანეთის გაქურდვის შემთხვევებიც მინიმალურამდე დადის (ცხმარობ მარტივად სე-ქტემბრის თვის ჩათვლით). ტენიანობას ვარეგულირებ სკის საფრენის სი-დიდით მიხედვით, დაბლა დარჩენილ ფუტკარს ვაძლევ 14 დღიან სადედეს ზამბარით (საკუთარი გამოცდილებიდან მაღლა კორპუსში ნაკლებად ნაყოფ-იერდება დედა ფუტკარი, ვიდრე დაბლა კორპუსში) დედის განაყოფიერების შემდგომ ვუცვლი კორპუსებს ადგილს მაღლა, ახალი ფუტკრის დედას ვამუშავებ, დაბლა ძველ დედას ვკლავ და ვაძლევ 14 დღიან სადედეს, ამ პროცესის დასრულების შემდეგ უკვე გვეყოლება ორი ახალი ფუტკრის დედა, ორი უკვე ავტონომიური ფუტკრის ოჯახი. გარემო პირობებიდან გა-მომდინარე, შეგვიძლია ვიმუშაოთ გამრავლებაზე, კორპუსს ცალკე ძირისა და სახურავის გაკეთებით გადავადგილებთ 7-10 კილომეტრზე და მივიღებთ ორ ფუტკრის ოჯახს, მოსავლის ასაღებად კორპუსებს შორის ემატება დამატებით კორპუსი და სკას ვამუშავებთ ან ორი დედიტ ან ერთერთ დედას ვიღებთ ნუკლეუსით და სკას ვაერთიანებთ. ეს მეთოდი მითხოვს საკმაოდ დიდ გამოცდილებას და ყურადღებას, შედარებით იოლად მეორე ხერხით შეიძლება ავაწყოთ თაფლის მომტანი სკეპი. ამ მეთოდითაც ვსარგე-ბლობ დაბლა კორპუსში დედის განაყოფიერების შემდგომ თუ მაღლა კორ-პუსში ფუტკრის ოჯახი არის იმ სიძლიერის, რომ მისი გაყოფა შეიძლება. ფანერით ვერტიკალურად გატისრულ სკეპში ვახდენ გაყოფას და ვაძლევ 14 დღიან სადედეებს, ნუკლეუსები გადამაქვს 7-10 კილომეტრში, თაფლის მოსატანად კი ცალკე საფუტკრეში ჯერ გადამაქვს სრულფასოვანი ფუტ-კრის ოჯახი, მას ვაძლავ კორპუსს, რომელშიც ვახდენ ბუდის გაფართოებას. მესამე კორპუსად კი ვაძლავ განაყოფიერებულ ნუკლეუსს, ეს ყველაფერი კეთდება ღალიანობამდე ორი კვირით ადრე. დაბლა ორი კორპუსი განიძანის

ცხრილით არის გაყოფილი, მესამე კორპუსი კი პოლიეთილენის ტომარით რომელიც ღალის დაწვებისას ეცლება და მის ადგილას განიძანის ცხრილი დგება. ეს მეთოდები თითქმის გამორიცხავს ფუტკრის ოჯახიდან ნაყარის გასვლას. მუშაობის პროცესში ბევრი წერილმანია. პრაქტიკიდან ნუკლეუსის გაკეთებიდან 3 საათის შემდეგ ვაძლევ სადედეს ზამბარით და ნუკლეუსს გა-დავადგილებ, გასანაყოფიერებელი დედის არსებობის შემთხვევაში, ძველ დე-დას ვაპატიმრებ გალიაში ერთი დღით. მეორე დღეს იგივე გალიაში ვათავსებ ახალ გასანაყოფიერებელ დედას და ვათავსებ ფუტკრის ოჯახში მინიმუმ ერთი დღე, დედის მიღება თითქმის 100 პროცენტია, აქ გასათვალისწინებუ-ლია ისიც, რომ დედის დაპატიმრების დრო უნდა იყოს მინიმალური, რადგან იგი წონაში კლებულობს. ოჯახების გაერთიანებას ვახდენ დღის ბოლოს პოლიეთილენის ტომრის ჯერ ნაწილობრივ უკანა მხარის გაწვეით, მეორე დღეს კი მთლიანად მოცილებით. ეს აუცილებელია, მიუხედავად იმისა, რომ ჩემს შემთხვევაში პოლიეთილენის ტომარა ატარებს სუნს და ორივე ოჯახის სუნი თითქმის ერთია, კორპუსების ერთმანეთთან ადგილების შეცვლას ვახ-ორციელებ დღის მეორე ნახევარში და წინა დღით ყოველი შემთხვევისთვის ორივე ოჯახს ვაწვევებ პიტნის ნაყინს.





თბილისში, სამების საკათედრო ტაძრის დარბაზში, გაიმართა ქრისტიანული პოეზიის ფესტივალში "წმინდა ნინოს ჯვარი" გამარჯვებულ ავტორთა დაჯილდოება და რიგით IV საფესტივალ კრებულის წარდგინება. სასიხარულოა, რომ წელს ეს პატივი ჩვენს თანამოქალაქს, პოეტს, ფილოლოგიურ მეცნიერებათა დოქტორს მურად მთვარელიძეს ერგო. თუ რა სახის და მნიშვნელობის კონკურსია, ბატონი მურადი ისაუბრებს:

—ქრისტიანული პოეზიის ფესტივალი 6 წელია იმართება. გაზაფხულზე გამოცხადდა მორიგი კონკურსი, გავაგ-

ზავენ ერთი ლექსი, რომელიც ქრისტიანულ თემაზეა შექმნილი. საკმაოდ წარმომადგენლობითი კონკურსია. 6 მაისს შეჯამდა შედეგები, აქ არის სამი სახის ჯილდო. მთავარი პრიზი,

### მურად მთვარელიძე - ქრისტიანული პოეზიის ფესტივალის გამარჯვებული

წმინდა ნინოს ჯვარია, რომელიც ორია, ქალი ავტორისთვის და მამაკაცი ავტორისთვის. მეორე მედალიონია და მესამე არის მედალი. წელს კაცთა შორის მე მივიღე ეს პრიზი, ქალთა შორის ნინო მოდრეკილიძემ. მოწვეული

ქიური აფასებს გაგზავნილ ლექსებს. ასევე, ყოველწლიურად წმინდა ნინოს ჯვრით აჯილდოვებენ ქართული კულტურისა და ხელოვნების სფეროში მოღვაწე 3 ადამიანს. წელს მაყვა-

ლა გონაშვილი(მწერალთა კავშირის თანათამაჯდომარე), კახა ცაბაძე(კომპოზიტორთა კავშირის თამაჯდომარე) და პაატა ბურჭულაძე დაჯილდოვდნენ. ეს კონკურსი საკმაოდ დიდი მნიშვნელობის მატარებელია, კარგად ვიცით, როგორია ქრისტიანობის როლი ჩვენი ქვეყნის ისტორიაში და როგორი უნდა იყოს მომავალში, ჩვენ ამას პოეზიით უნდა წავადგეთ და მივუხმაროთ, რადგან პოეზია და მწერლობა ერის ქვეყნის იდენტობის შესანარჩუნებლად ყველაზე მთავარია. მნიშვნელოვანია, ქართველი ერი არ ასცდეს იმ სავალს, რომელზეც საუკუნეების განმავლობაში იდგა...

გულოცავთ ბატონ მურადს ამ დიდი წარმატებას და გთავაზობთ გამარჯვებულ ლექსს:

ბუთღემი,  
ბაგამი ვახსენებებს ხა უნდათ?  
და მინც,  
ყველა ცა თითქოს აქ ანათებს,  
ლუთისმშობელს,  
სულში ხომ ნათელი ჩაუდგა,  
ახლა აქ, ბუთღემში  
ხომ აფიქვეს ცა ნათელს

და ყიძი იესო  
ანგელოზთ დასს უხმენს,  
ცას უშუხს, ვახსენებებს  
ულომის, განა თვლემს?!  
ღუემბიხის ლამა  
და საღაყ, ბაგიდან,  
ყველა ცა, ყველა მზე  
სხვაგვარად ანათებს!...

\*\*\*  
გოცმოთის გზაზე  
უფენენ ეკლებს,  
ეკლებზე უფიო მნახია ჯვარი,  
ახ ნათიხიხილე,  
სიხიხი ხაი მუკვე  
მუნივე ხმენის  
და უღლის ყახიყ  
უნდა ჰიხვემა  
შეალო ხესუნელს,  
ხადგან ჰიხვემა  
იტიხიოე ჯვარი...

\*  
სისხლის ნაყვანებს  
ანყვება ცხემლი,  
შენ ცის აღმათის  
იებს ხმს ალევ,  
გოცმოთის ზეცა  
ლუბებების ცელით  
მოსხიპავს და მზეს  
გამოუსადემს  
იესოს,  
ჯვარცმას  
გოცების წნელით  
მიუქვე და  
მიეუხისმანე,  
თითქოს სამყაროს  
უდგახს მცველად  
იეხუსადემი..



### პრემიერიდან პრემიერამდე

გასული კვირა ჩვენი ქალაქის კულტურულ ცხოვრებაში ისევე იყო დატვირთული, როგორც სხვა დანარჩენი. თუმცა ხაშურის თეატრალური დასის პრემიერამ ყველა ბოლო მოვლენა გადაჩრდილა. მეოთხე წელია, რაც ათეული წლების წინ ჩაფურფლილი და კარგად

ვდიანი დრამა. ნიჭიერი და თავმდაბალი რეჟისორი გურამ კაპანაძე ეძებს ახალ ხერხებს, ზოგჯერ ნაცადს, კლასიკურს, რომ სპექტაკლი მაყურებელმა მიიღოს და გაითავისოს, როგორც ერთი ჩვეულებრივი სასწაული, რომლითაც ცხოვრება, მიუხედავად თავისი ამოუბისა, სავსეა. ამას ხელს უწყობს თეატრალური დასი. მსახიობების შესახებ არაერთხელ გვითქვამს, რომ გვაოცებენ ოსტატობით და გარდასახვის უნარით. ამჯერად კომიკურ როლებში ვიხილეთ:



დავიწყებული თეატრალური ცხოვრება, ხაშურის მუნიციპალიტეტის ახალი ხელმძღვანელობის მონდომებით, ფენიქსივით აღდგა და წარმატებით დგამს პირველ ნაბიჯებს. ყოველი პრემიერა დღესასწაულს ჰგავს და საზეიმოდ განგაწყობს. თურმე შეიძლება აქვე, შესს ქალაქში, ეზიარო ხელოვნებას. საინტერესოა ის, რომ არც ერთი სპექტაკლი, ჟანრობრივად ერთმანეთს არ ჰგავს. ბოლოს დადგმული ტრაგედიის შემდეგ, საოცარი ტრანსფორმაცია ვიხილეთ. ალექსანდრე ვამპილოვის კომედია „უფროსი ვაჟი“ შედარებით მსუბუქ, დადებით ემოციებს იწვევს. თუმცა მხიარული კომედიის დადგმა არანაკლებ ძალისხმევას მოითხოვს რეჟისორისგან და მსახიობებისგან, ვიდრე სე-

ანსორ განეხილაძე, ღია ცხვირაშვილი, გაბრო მახარაშვილი, ინგა მეტრეველი, ზურაბ სტეფანაძე, ელდარ გოგალაძე, მიხეილ განეხილაძე. რაც შეეხება მუსიკალურ გაფორმებას (ფატი სადლაშვილი), დეკორაციებს, კოსტიუმებს (ზურა სტეფანაძე, ელდარ გოგალაძე, ასისტენტი: ცირა ბალასანიძე), როგორც ყოველთვის დახვეწილია, გემოვნებიანი და შერწყმულია სპექტაკლის იდეასა და შინაარსთან. რა შეიძლება ვუსურვოთ თეატრს, თუ არა მაყურებლის აღიარება და დაფასება უდიდესი შრომისა და ენთუზიაზმის სახალაურად და სტიმული მომავალი პრემიერებისათვის.

მარიამ იზორია

### მოავალმხრივი ტალახტით დაჯილდოებული შემოქმედის აღიარება

ჩვენი თანამოქალაქის, მრავალმხრივი ნიჭით დაჯილდოებული რეზო კოშკაძის ბოლო გატაცება უფრო მეტი აღმოჩნდა, ვიდრე გატაცება. მისი არაჩვეულებრივი ტილოები, განსაკუთრებით პორტრეტები, რომლებიც დიდი ოსტატობითა და ფოტოგრაფიული სიზუსტითაა შესრულებული, გაცვებას და აღფრთოვანებას იწვევს. ვის არ შეხვდებით ამ გალერეაში: დავით ყიფიანს, სერგო ზაქარიაძეს, ნინო დურგლიშვილის, მეჭობან ალიფას, ნანი განეხილაძეს. თუმცა ბევრი პორტრეტი უკვე გაჩუქებულია და მხოლოდ ნაწილი გამოიფინა, ამ დღეებში, საქართველოს მხატვართა კავშირის საგამოფენო დარბაზში. მიზეზი კი ის გახლდათ, რომ ბატონი რეზო მხატვართა კავშირის წევრი გახდა. მხატვარს მოწმობა უშუალოდ თავმჯდომარემ, ქალბატონმა ცისანა მჭედლიძემ გადასცა. გამოფენის ორგანიზებაში ბატონ რეზოს მხარდაჭერა ხაშურის მუნიციპალიტეტის გამგეობამ აღმოუჩინა. გულთბილმა მასპინძლებმა-მხატვართა კავშირის წევრებმა - იზრუნეს რომ ეს მნიშვნელოვანი მოვლენა საზეიმო გარემოში აღნიშნულიყო. უამრავი თბილი სიტყვა და შეფასება გაისმა რეზო კოშკაძის მისამართით როგორც კოლეგებისგან, ისე ხელოვნებათმცოდნეებისგან. ბატონ რეზოს მხარს უმჭვენებდნენ მისი მეგობრები: ისტორიკოსი თამაზ ლაცაბიძე, ახალგაზრდა მწერალი გიორგი დვალაშვილი, ხაშურის მუნიციპალიტეტის კულტურის სამსახურის და საბიბლიოთეკო გაერთიანების წარმომადგენლები, მომღერლები გოგიტა გოგიძე და ლევან ტაბატაძე. ეს უკანასკნელი, კონსერვატორიის დამამთავრებელი კურსის სტუდენტი, აღმოჩენა იყო იქ მყოფი საზოგადოებისათვის. საქართველოს მხატვართა კავშირის თავმჯდომარე ცისანა მჭედლიძემ აღნიშნა, რომ დღეიდან საფუძველი ჩაეყრება ახალ ურთიერთობას მხატვართა კავშირსა და ხაშურის მუნიციპალიტეტს შორის. ეს ურთიერთობა იქნება მეგობრული, საქმიანი და სასარგებლო. მანვე მხატვართა კავშირის მიერ გამოცემული წიგნი მხარეთმცოდნეობის მუზეუმს გადასცა საჩუქრად.



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.